

DISSERTATIONIS
DE
USU ET APPLI-
CATIONE HI-
STORIAE
AD

VITAM CIVILEM.

PARTEM PRIOREM,
*Suffragio Amplissimæ Facultatis
Philosophicæ, in Regia ad Auram
Academia,*

P R A E S I D E
VIRO CELEBERRIMO
MAG. ALGOTHO
SCARIN,

Histor. & Moral. PROFESS. AB.
PRO GRADU

Eruditorum examini modeste submitte
Si DEo visum fuerit ABOÆ,
In Auditorio Maximo d. II Junii 1726.

HENRICUS HASSEL,
ALANDUS.

UPSALIAE, Literis WERNERIANIS.

Hans Gustaf Henricus
Secundus. 1749.

S:Æ R:Æ M:TIS
MAGNÆ FIDEI VIRO,
Reverendissimo
PATRI ac DOMINO
Dn. HERMANNO
WITTE,
S.S. Theologiæ DOCTORI Cele-
bratissimo, Diœcœseos Aboënsis EPI-
SCOPO Eminentissimo, Academiæ
ibid. Regiæ PROCANCELLARIO Ma-
gnificentissimo, Vener. Consistorii
PRÆSIDI Gravissimo.
MÆCENATI SUMMO.

KANSALLIS-
KIRJASTO

Quas de applicatione histo-
riæ consignavi pagellas,
Tuo Reverendissl. Pater,
conspœctui submittere sustineo. Ar-
gumentum non displiciturum spero.
Ipsemet quippe recordaris Te Rev.
Pater, Historia olim magistra, robu-
stam

stam adquisivisse sapientiam, qua
in Ecclesia dogmatum puritatem, ac
morum sanctitatem promoves, Et
re hoc exigente, salutaria Patriæ
consilia subministrare vales. Quin
etjam, ubi mortalitatem expleveris,
Historia virtutum Tuarum, Rev.
Pater, memoriam ad posteritatem
transmittet. Materiam hanc pro
sua dignitate non tractatam esse fa-
teor; defectum itaque opellæ hujus
Tuum Rev. Pater, Nomen, eidem
prefixum, suppleat. Ex quo pri-
mum literis operari cœpi, variis cum
difficultatibus conflictatus sum. Ubi
excidium Patriæ, literarum subsidia
mihi absorbsit, eorum loco calamita-
tes reddidit exsiliū. Hinc angustares
domi, panem potius, quam eruditio-
nem lucrandi, anxias sœpe curas in-
gesit. Divina vero providentia

munus

murus est, quod haedversitates, a
sapientiae studiis, quorum amor imis
haret medullis infixus, me non dum
abstraxerint. Nam ad Te, Rev. Pa-
ter, cœnTutelare Musarum Nostra-
rum Numen, configio. Tuum Pa-
trocinium supplex ambio. In Te, post
DEum, spes est omnis roposita. Si
Tui favoris in me stricturas emit-
tere dignatus fueris, qualiscunque
diligentia fructu me non destitutum
iri, certissime persuasus sum. Pro
perenni Tua Reverendissime Pater
incolumitate ardentissima fundere
vota non intermittam.

Reverendissimi Nominis Tui

cultor devotissimus

HENRICUS HASSEL.

I. N. J.
CONTINUATIO
PARTIS PRIORIS.
§. IX.

Qui res narrant magnorum Hominum, adhuc superstitionem, qui scribendi provinciam illis injunxerunt, a quibus beneficia accepserunt, vel exspectant, qui historiam illorum censuræ subjiciant, eam illis dedicant, præcipue si in eadem degant republika, vel qui vitas defunctorum scribunt, quibus ullo modo obstricti sunt, & quorum propinqui vivunt, aut ministri, quibus in rebus administrandis usi sunt; ubi aliquæ harum circumstantiarum adfuerint,

non potest fieri, quin Historicus ab officio sœpe deflectat, virtutes mediocres nimis extollat, nævos prætereat, vel virtutum specie commendet, arcanæ vitæ privatæ reticeat, rationem consiliorum occultet, secunda virtuti, adversa fortunæ tribuat, & in omnibus honori eorum velificetur. Ut veritas in hoc casu inveniatur, actiones inter se comparandæ, & totius vitæ cursus considerandus est. Quod alioquin petitio principii foret, id heic tutissima est ratio investigandi veritatem. Ex actionibus de ingeniis, & contra, ex ingeniis & actionibus de finibus, ex finibus rursus de aliis actionibus & moribus judicandum. Inimici

mici & anonymi multa refe-
runt, sed illa a calumniis di-
scernere desperatus est labor.
Epistolæ ad amicos, & alia genu-
ina scripta multos nodos sol-
vere apta sunt. Occupationes
quotidianæ magnorum Viro-
rum, & leviores casus, anſam
ſœpe præbent de ingeniis eo-
rum, & gravioris ponderis a-
ctionibus judicandi. In omni-
bus modus tenendus, ne con-
jecturis & argutiis, umbra pro
corpore captetur.

§. X.

Historiographi, qui pro fa-
lario ſcribunt, & integras
regnorum historias conficiunt,
multa in favorem iſtarum na-
tionum adferre ſolent. Ut ju-

stitiam armorum illis afferant,
veras bellorum caussas raro in-
dicant; prætextus nonnunquam
adhibent ita speciosos, ut eos
a veris caussis separare non pa-
rum sagacitatis requirat. Ad-
hanc difficultatem tollendam,
multum adjumenti accedit, si
controversiæ inter vicinas gen-
tes agitari sicutæ, earum ortus,
progressus, & quæ in illis la-
tent discordiarum semina, patu-
erint. Victorias etjam suæ na-
tionis copiose explicant, clades
leviter attingunt, aut, veris ea-
rum caussis subtractis, falsas sub-
stituunt. Heic alia non datur ra-
tio quærendi verum, quam u-
triusque partis Historicos con-
sulere, & circumstantias accu-
rate ponderare; unde si non
apo-

apodicticè, verosimiliter tamen
judicari posse vix dubitamus.

§. XI.

UBi rempublicam internis
motibus concuti contigerit,
& diversæ factiones in se invi-
cem concurrant, ut summa re-
rum omnium turba oritur, ita
historiam monstrosi ejuscemo-
di status inquirere oppidò ar-
duum. Astutiæ & violentiæ
tanta est mixtura, ut quid utraq;
effecerit discerni vix possit. Bo-
num publicum omnes in ore
habent, dum quilibet privatum
quærerit commodum. Id scien-
dum, historicos justitiam causæ
plerumque ex eventu metiri.
Hinc parti succumbenti multa
falso tribuuntur enormia facta,
quam victrix immerita sœpe

laude cumuletur. Lectoris hic
est, suis uti oculis, & dilpice-
re, quibus utraque causa ni-
tatur fundamentis, & quis ve-
rus & primarius utriusque sco-
pus. Notitiam particularium
actionum, quantum fieri po-
test, quæreret, omnium rationes
rimari, molestæ sedulitatis o-
pus foret.

§. XII.

NON alii pertinaciori odio se
invicem consequantur, quam
quos religionis negotium com-
mittit. Pluribus enim perivas-
simum est, se conscientiæ suæ
minus recte consulere, nisi ad-
versus dissentientes insurgant.
Quin etjam vix ullæ controver-
siæ agitantur sine calumniis, qui-
bus animi utriusque partis ex-
alpe-

) o (asperantur. Causas politica-
rei religionis crebrè & præpo-
sterè misceri cuilibet notissi-
mum. Hinc, qui historiam con-
trariæ lectæ scribunt, non tan-
tum multa nonnunquam dog-
mata ei affingunt, sed de vita et
jam & moribus adversariorum,
modisq; religionem propagan-
di illis usitatis, plurima præter ve-
ritatem dicunt. Qui plenam hu-
jus rei fidem desiderat, vel Bæli-
um adeat in voce Luther, & vi-
deat crassa mendacia, quæ Pon-
tificii integris tractatibus de Me-
galandro sparserunt. Nec tu-
tius rerum, in aliqua Secta acta
rum, cognitio ex ejus defenso-
ribus adquiritur. Hi enim suæ
partis studio abrepti, multa in
eius favorem addunt, vel reti-

cent. Utrosq; ipsa necessitas a ve-
ro abducit. Alioquin enim pro
falsis æstimarentur fratribus,
& syncretismi rei peragerentur.
Dogmata ex ipsis propugnatorū
scriptis, ubi exstant, certissimè
cognosci videntur, qui, si erro-
res astutis verbis palliare norunt,
hæc fraus oculatioribus facile
transparet. In illis, quæ propriè
historici sunt argumenti, æquos
judices imitari convenit, qui u-
nam partem ita audiunt, ut al-
teri quoque aures commodent.
Si quæ dantur documenta vera,
præcipue Epistolæ, multum lucis
adferunt, ac diligentissimè con-
quiri & excuti merentur. Quæ
eidem religioni addicti, contra
socios proferunt, maximi sunt
facienda, nisi particularibus eos

caus-

caussis ad calumniandum exstimumatos fuisse constiterit. Fines Politicos, qui religioni interveniunt, accuratius exploratos habere, ad multas utique tricas explicandum prodest.

§. XIII.

In primis diligenter inquirendum, quibus fundamentis fides cuiuslibet Historici nitatur, an ipse rebus gerendis vel præfuerit vel interfuerit. Aut, si aliorum fidem sequatur, an ad acta publica & archiva admissus sit, an rumoribus & proletariis scriptoribus credat. Hinc prudens Lector observare potest, quid pro tuto apprehendere, quid pro suspecto habere debat. Ubi plures eandem rem tractant, eos inter se conferre

ex-

expedit. Tum multa ab aliis circumstantiis colligere datur, quæ alii omiserunt. Qui tamen sua ex aliis depromiserunt, ubi fontes ipsi supersunt, non adeo sollicitè quæri debent, nisi priorum labores meliorem in ordinem redegerint.

§. XIV.

In genium Historici probè est explorandum. Si quis rerum & circumstantiarum nullum delectum habet, ordinem invertit, digressiones facit prolixas ac ineptas, & in multis sibi contrariatur, eum judicio destitui & vitio vanitatis laborare evidens est. Hæc observatio centones ineptiarum & mendaciorum, quorum magna est seges, a veris Historicis distingvit. Fontes

tes hujus vitii indagare juvat. Quidam memoria valent, varias res, quas parum expendunt, arripiunt, imo retinent. Has ordinare nesciunt, & examinare negligunt. Sic animus farragine confusarum notionū obruitur, quæ ubi imaginatione agitari cœperint, torrentis instar erumpunt. Quidquid ab ejuscemodi ingenio profluxerit, est præceps, vagum & boni sensus expers. Nulla literaturæ pars historiâ magis affectuum frigus, ordinem & judicij constantiam requirit. Mea sententia, una pars imaginationis, duplum memoriæ, quadruplum vel plus judicij optimum constituet Historicum.

DAntur etjam homines ad as-
sentandum compositi, qui
in mediocribus factis laudes cu-
mulant, & heroicas ubique vir-
tutes crepant. Hi, Poëtarum
more, potius quid fieri debeat,
quam quid factum sit, docent.
Multa sine sensu verba congo-
merare illis est solenne. Eorum
fraus prudentioribus facile pa-
tescit, quemadmodum usu di-
cimus, homines in vita commu-
ni, inutili verborum & ceremo-
niarum apparatu utentes, fidem
plerumque amittere. Aliis ves-
ro satyricum contigit ingenii-
um, ut ad quælibet carpenda
facti videantur. Periculosus est
horum dolus, quod sub specie
ingenuæ veritatis etjam latere
sole-

soleat. Si quid ejuscemodi homines irritaverit, tum omnes ingenii nervos ad maledicendum intendunt. Verum, ut nimia laudum congeries adulatio nem prodit, ita licentior ista critica calumniandi prurigenem in apricum sistit.

§. XVI.

Pane gvrifas omnes in censum adulatorum referre non sustineo. Eodem enim numero haberi debent, quæ ab illis dicuntur, atque verba honoris communiter recepta, quibus non propria significandi vis, sed usus & applicatio pretium constituit. Simplex quidem factum non fingunt, nisi admodum sint inepti, sua tamen tot additamentis onerant, ut ad distinguen-

gvendum ab ascititiis solida, lyn-
ceis opus sit oculis. Par est ra-
tio Poëtarum. Argumentum ex
veritate facti quandoque mu-
tuantur, sed infinita de ingenio
suo addere necesse habent.
Hyperbolica etjam facta osten-
tant, qualia nunquam patrata
sunt, nec patrabuntur unquam.

§. XVII.

Supervacaneum foret ingeni-
sum Historici rimari, si suum
ignoret Lector. Ejus præjudicia
frustra deteguntur, nisi emen-
dentur propria. Historiarum
est commune fatum, ut pro di-
versitate Lectorum diversissima
subeant judicia. Qui homini,
reipublicæ, vel statui favent, ho-
nori eorum parum consultum
indignantur; eorumdem osores
plus

plus justo illis tributum, & vi-
tia, emphaticis non satis verbis
depicta, stomachantur. Vel so-
la veritatis professio graves pro-
vocare censuras nunquam non
apta est. In originem præju-
dicatorum dometticorum in-
quirere, animum contra affe-
ctus obfirmare, & singula pro-
prio & intrinseco metiri pretio,
sapientis est ac generosum.

§. XVIII.

Omnem veterum Historico-
rum fidem in dubium vo-
care, temeritas foret stulta, sin-
gulis in illis obvenientibus af-
fensem præbere, cœca æstimare,
tur credulitas. Si, mundo jam
oculatissimo, & in summa li-
terarum luce, aliquid parum

C

firmi

firmi narrationibus adhæret,
quid in ista temporum caligine
& continuo bellorum tumultu-
umque strepitu contigisse exi-
stimabitur? Quæ de gentium
origine traduntur, tantum non
omnia incerta sunt, & infinitis
fabulis referta. Quas ipsos fin-
xisse Historicos censendum non
est. Neque enim ita fuerunt
simplices, ut adeo manifestò fal-
sa, sub veri specie mundo ob-
trudere voluerint; sed quod per
rumores & traditiones ad eos
delatum erat, subducere fuit
religio, præcipue, quum ipsis in-
volucris partem veritatis conti-
neri, non sit dubitandum. Quæ
in illis miracula utramque con-
stituunt paginam, pro figmen-
tis rudium & superstitionum.

Ho-

Hominum ita sunt habenda, ut conjecturis de providentiae divinæ nutu, & malignorum geniorum illusionibus, nullus non sit locus. Idem de miraculis, a Pontificiis scriptoribus recenseri solitis, judicium valeat, nisi quod malitia horum sit major, qui vel ipsi effingunt, vel ab aliis effecta, tam putida mendacia ad regnum tenebrarum stabiliendum producunt. Orationes & consultationes magna ex parte Historicorum ingenio debentur, qui, ubi temporum & circumstantiarum rationem habent, si non ubique laudem, taltem veniam merentur.

§. XIX.

Gavendum omnino a pluribus
C 2

bus præjudiciis, in scriptis Historicorum, præcipue veterum, dispersis. In statu Aristocratico viventes, quidquid libertati contrarium, ceu injustum regiunt. Quidam fortitudinem sine justitia, astutiam sine virtute alii extulerunt. Tyrannorum (uti dixerunt) necem vel expulsionem injustis laudibus prosecuti sunt multi. Omnes, extra Græciæ & postmodum Romani imperii pomœria constituti, fastuoſo barbarorum nomine vocabantur.

§. XX.

Inter legendum Historias, peregrinantium morem imitari convenit, qui in amplis & populosis urbibus diutius morantur. Sic ubi magnæ rerum mu-

mutationes explicantur, attentionem tenacius defigere juvat. Illas enim producere solent homines, in quibus extremas natura vires exprimit, & qui perfectiones, quas humana conditio admittit, in summo gradu constitutas, exhibent. Consiliorum, ausuum, & facinorum concursus repræsentatur. Ubi imperii alicujus fines latè amplificati fuerint, ejusque status rectè formatus, exigua additamenta vel decessiones extrinsecus accidentes, ut & nævi vel emendationes intrinsicæ minores parum sentiuntur, eodem modo ac in abundantia divitiarum ad minora lucra vel damna vix advertitur. Quum vero post temporis spatium sen-

sibilis mutatio deprehenditur, successivos incrementorum vel decrementorum gradus observare, prudentiae Politicæ nervus est. Nam sœpè in republica, adhuc florentissima, occultæ delituerunt malorum causæ, quæ in ejus exitium tandem eruperunt.

§. XXI.

UT rebus ipsis conveniens insituatur judicium, non tantum Hominum singulorum & integrarum nationum indolem explorans juvât, sed temporum genios, suis periodis distinctos, considerasse. Simplicitas & superstitionis antiquissimorum hominum character fuit. Acceserunt tempora, saevissimis bellorum motibus

tibus formidabilia. Posthac in
Græcia, mox Romæ copiosior
vitæ cultus enituit. Nec mora,
hæc humanæ felicitatis præludia
irruens bellorum vis oppressit.
Hac pulsa calamitate, & invale-
cente regno tenebrarum, totus
mundus, superstitioni, barbariei,
ignorantiae, & infinitis fraudi-
bus immersus fuit. Tandem, be-
nignioribus fatis, veræ religio-
nis exortus veræ scientiæ auro-
ram comitem habuit. Super-
stitiones proscriptæ & expulsæ,
literæ non mercenariæ regni te-
nebrarum ministræ, sed solidæ,
& vitæ humanæ servire aptæ
paulatim caput extulerunt. Ar-
tes etjam reliquæ felicitatem ge-
neris humani promoventes, ma-
gis mrgisque excoli cœptæ.

Delicatiōres homines vix credent, gustus illius generalis, quo mundus jam regitur, & cuius ipsi sunt servi, fundamen-tum in literis delitescere, sed sagaciōres id agnoverunt, imo universis Europae Principibus hoc demum patuit arcanum. Eum enim in finem eruditas in-stituerunt societates, illis privi-legia, præmia, & honores con-tulerunt, ut hac ratione con-tra ingruentem barbariem sat validē cautum foret, ut ex illis, sobria de rebus iudicia in mun-dum emanent, quibus vel non advertentes Homines im-buantur, atque artes inde tanquam ex incorruptis fonti-bus pululantes, universum vi-tæ civilis ambitum fæcundent.

Neque

Neque spem neque sumtus ir-
ritos fuisse deprehendet, qui
vel externam generis humani fa-
ciem jam adspicerit, eamque
cum vario ejus habitu, qui o-
lim fuit, comparaverit. Qui-
bus interiora rerum contueri-
datur, vivaciores lucis strictu-
ras percipient. Periculum ta-
men est, ne dum homines subli-
mia potius, quam utilia sectan-
tur, & nullos rationi fines sta-
tuunt, in aliquid incident, re-
ligioni sanctissimæ, & virtuti,
quam verè felicitatis animam
dixero, contrarium. Hunc Ho-
minum gustum (liceat eo voca-
bulo uti), pro varia temporum
ratione infinitis modis varian-
tem, cognoscere, & intra ejus
modum consiliorum & nego-

tiorum rationem constringere, viam parat tutissimam, ad formandum judicia æquabilia, nativa, & cum ipsis rebus congruentia. Nam æque in tenebris palpat, qui alios suo inge-
nio æstimans, meras subtilita-
tum tricas necit, ubi aliis for-
tè ne per somnium quidem e-
juscemodi in mentem venit, ac
qui tricarum, ab aliis constru-
ctorum, capita indagare, & no-
dos solvere non valet.

§. XXII.

VAria ex Historiis exempla colligere, collecta in suis circumstantiis examinare, ex-
aminata inter se conferre, ex eo-
rum comparatione regulas ge-
nerales construere, constructas secundum ordinem materiarum
dit-

disponere, tutissima est ratio prudentiam Politicam adquirendi. His debentur principiis, icripta, quæ alicujus momenti exstant Politica. Id enim certissimum regulas ab exemplis hic descendere, non contra. Multum autem judicii postulat, propositis exemplis, adeo ir- cortice non hærere, ut ad ipsam rerum medullam attin- gatur. A lectione vaga & in constanti abstinendum, unde nihil solidi addiscitur. Rerum seriem animo infigere operæ pretium est, sic rectius de illis judicare dabitur.

§. XXIII.'

Qui ex Historiis rebus pu- blicis plenius instrui cupi- unt, illis leges earū per vestigare con-

conducit. Per has enim imperium civile suas exserit vires. Hinc etjam de ratione regiminiis judicari debet. Leges sunt instar nervorum, quibus reipublicæ partes continentur & moventur. Ex illis civium jura, privilegia, officia, & totius reipublicæ contextus cognoscitur. Quo tempore, ob quas causas, leges sancitæ sint, quemadmodum pro varietate temporū variaverint, an ipso temporis tractu obsoleverint, an abrogatæ, quantum valuerint ad felicitatem reipublicæ, quid vitii habuerint, hæc inquā accuratè dispicere, jurisprudentiæ non minus quam Historiæ clavis est. Nam, ut ad leges rectè ferendas, requiritur populi & status notitia, quibus apta-

) o (aptari debent, ita ad explorandum populi & status ingenium, legum indolem novissime expedit.

§. XXIV.

DE comparatione Historiæ veteris & recentioris ita lenio. Plurimos veterum in rebus narrandis & fidem, & prudenteriam, & eloquentiam adhibuisse, adeoque ab eorum lectione incipiendum, gustumque Historiæ pragmaticæ inde hauriendum, omnes largiuntur. Nemo autem præjudiciis expers negaverit, res, quas describit Historia, simpliciores olim existitisse quam nunc sunt. Nam sapientia non minus quam propagazione suis ex visceribus genus humanum crescit. Ex institutis vitæ civilis & omnibus artibus hoc evi-

evidentissimum. Historia, ut res
rum naturam sequi debet, &
verum earum characterem ex-
primere, ita quo res ipsæ per-
fectiores fuerint, eo plus utili-
tatis earum narratio adfert.
Vel ob id magis æstimanda Hi-
storia recentior, quod, res
in ea existentes, cum præsentis-
bus majorem habeant affinita-
tem, & caussæ harum proximæ
in illis quærendæ sint. Quis
enim hodiernum Europæ sta-
tum cognoscet, nisi cui muta-
tiones hujus & superioris secu-
li innotuerint. Scriptores me-
dii ævi, quo ruditas & barba-
ries dominabantur, artem Hi-
storicam non adeo observasse
constat, quos vero recentior tu-
lit ætas, non tantum yeteres hac
in

) o (in re feliciter imitatos fuisse, sed quandoque superasse & qui æstimatores censem. §. XXV.

Cautione opus est, ne quis mutu-
Cum cauſſarum & effectuum ne-
xum in actionibus humanis ita conſi-
deret, ut providentiam divinā exclu-
dat, & humanæ prudentiæ omnia
vindicet. Hic error, quem maxima
noſt unquam ingenia errare ſolent, im-
pietatem progignit, & homines vītæ
practicæ ineptos reddit. Non mini-
ma enim ſapientiæ humanæ eſt por-
tio, providentiam Divinam rectè
adgnoscere, & venerari. Vel quid fi-
dei ab eo exſpectandum eſt, qui, re-
ligione & virtute contemta, propria
duntaxat utilitate omnia metitur?
Huic dogmati omnium temporum
experientia reclamat. Ejus Patronos
vel ob id ſimplices eſſe deprehendas,
quod infirmitatem humanam non
dum intellexerint. Acutissima ſcēpē
consilia & tutiſſimis, ut viſum eſt,
rationibus nitentia, per impedimenta
physica vel moralia, quæ ne ſaga-
ciſſi-

cissimus quidem prævidere potuit, in irritum reciderunt. Quin experientia docet, qui suo ingenio & fortunæ ab illo fabricandæ, se commiserunt, tragicos plerumq; exitus nactos fuisse. Si quid in contrarium proferri possit, exemplorum confirmantium multitudine dispellitur.

§. XXVI.

PLurima de methodo legendi & excerptendi adferri possent, quæ a viris eruditissimis copiose tractata, hac brevitate includi nequeunt. Ab instituto quoq; alienum est, Historicos recensere, & singulorum virtutes & vitia notare, quod multi integris libris præstiterunt. In vulgus nota sunt Historiæ subsidia, Geographia, Chronologia, Genealogia & suo modo Heraldica, quæ, quomodo applicari debeant, meum non est dicere. Plures observationes addi forte deberent, quarum non paucas cogitavi, sed ulteriorem trationem accisæ facultates jam non admittunt.

S. D. G.